

百大
名家

合註傷寒論



千頃堂書局商標



百家註傷寒論序

吳君考磐輯百家註傷寒論成以示千頃堂主人主人將付殺青以示伯未並索言序之伯未曰讀古醫書難矣非眼高於巔心細如髮不可更無霹靂手斗大胆不可人之讀古醫書者隨眾附和曾不知孰是孰非孰明孰昧即此以求黃帝岐伯越人仲景之義昭昭於世大難乎大難乎請即傷寒論論之若表有熱裏有寒之用白虎湯服桂枝湯仍頭項強痛翕翕發熱無汗心下滿微痛小便不利之用桂枝湯去桂加苓朮湯俱遵守無異議安知寒字為熱之訛而去桂當為去芍之訛乎此其一或以傷寒傳足不傳手專從足經發揮而手經漠視若無覩安知大承氣湯非手陽明方而黃連阿膠湯非手少陰方乎此其二或以原文經王叔和編次零亂非復舊觀不加攷慮安知若脈

浮數者法當汗出而愈若下之身重心悸者不可發汗條以下
傷寒二三日心中悸而煩者小建中湯主之傷寒脈結代心動
悸炙甘草湯主之等凡十數條皆就心中悸比類出之其中自
成條理別具系統乎凡此詳拙著讀傷寒論雜記及傷寒論原
文次序釋中茲不備引要知讀書在求明理固當具信仰心亦
不可無判斷力又豈特古醫書然哉吳君此書兼收並蓄不主
一家言譬之敘爭訟之人於一室置讀者於裁判地位細聆雙
方執詞定其曲直曲者闢之直者彰之破千古之歧說而歸於
一倘亦整理中醫書籍之嚆矢也然非眼高心細具霹靂手斗
大胆者將何以語此此余所以喟然不能已於言者主人聞之
善即書以歸之時夏雨初過微風動天末披襟倚檻靈臺豁然
上海秦伯未

張仲景先師傷寒論原序

余每覽越人入虢之診望齊侯之色未嘗不慨然歎其才秀也怪當今居世之士曾不留神醫藥精究方術上以療君親之疾下以救貧賤之元中以保身長全以養其生但競逐榮勢企踵權豪孜孜汲汲惟名利是務崇飾其末忽棄其本華其外而悴其內皮之不存毛將安附焉卒然遭邪風之氣嬰非常之疾患及禍至而方震懼降志屈節欽望巫祝告窮歸天束手受貶賁百年之壽命持至貴之重器委付凡醫恣其所措吐嗟嗚呼厥身已斃神明消滅變為異物幽潛重泉徒為啼泣痛夫舉世昏迷莫能覺悟不惜其命若是輕生彼何榮勢之云哉而進不能愛人知人退不能愛身知己遇災值禍身居厄地蒙蒙昧昧蠢若遊魂哀乎趨世之士馳競浮華不固根本志軀狗物危若氷谷至於是也余宗族素多向餘二百建安紀年以來猶未十稔其死亡者三分有二傷寒十居其七感往昔之淪喪傷橫天之莫救乃勤求古訓博採眾方撰用素問九卷八十一難陰陽大論胎臚藥錄并平脈辨證為傷寒卒病論合十六卷雖未能盡愈諸病庶可以見病知源若能尋余所集思過半矣夫天布五行以運萬類人稟五常以有五藏經絡府俞陰陽會通玄冥幽微變化難極自非才高識妙豈能探其理致哉上古有神農黃帝岐伯伯高雷公少俞少師仲文中世有長桑扁鵲漢有公乘陽慶及倉公下此以往未之聞也觀今之醫不念思求經旨以演其所知各承家技終始順舊省疾問病務在口給相對斯須便處湯藥按寸不及尺握手不及足人迎跌陽三部不參動數發息不滿五十短期未知決診

九侯曾無髮髻明堂闕庭盡不見察所謂窺管而已夫欲視死別生實為難矣孔子曰生而知之者上學者亞之多聞博識知之次也余宿尚方術請事斯語

漢長沙太守南陽張機仲景序

百家合註傷寒論序

傷寒論一書。經王叔和編次後。闡揚祖述。代不乏人。但其文辭古奧。義意精微。苟非深得此中三昧。斷難窺其美富。故雖註家雲集。莫不言人人殊。求其發揮經義。羽翼聖心者。實不多見。即方中行。張隱菴。柯韻伯等。可稱註家名宿也。探賾索隱。潛符理要。固屬有之。而以辭害義。依樣葫蘆。亦復不少。有清以還。歐化東漸。外來醫說。洋溢中國。華夏醫經。轉束高閣。黃農絕學。遂下喬木而入幽谷矣。余恐夫古聖經學。無形淹滅。國粹淪沒。靡有孑遺。春花莫問。佳山弗登。取仲師傷寒論而細繹之。重編三百九十七法。考訂一百一十三方。刪脈法序例。痊濕。喝於前。削霍亂勞復可汗等於後。始太陽而終厥陰。定為仲師原文。以註家之議論精安者。附錄原文之後。名曰百大名。家合註傷寒論。使聖教從此不滅。大道因之再興。挽既倒之狂瀾。作中流之砥柱。嗜古君子。諒不無小補云。時

中華民國十三年八月古瀛吳考槃序於中國醫藥專門學校

百大名家合註傷寒論凡例

一傷寒論一書。係東漢張仲景原著。但其文義古奧。讀者每有望洋之歎。是編先錄原文。廣採百註。俾學者便於記誦。又利參考。

一林億校本。首尾附有脈法序例。可汗等篇。玩其文義。與六經篇不同。其為叔和所增可知。茲特刪去。

一霍亂陰陽易差後勞復二篇。似應歸入金匱雜証。不宜於本論六經外另生枝節。今特改次金匱瘧濕喝症下。

一瘧濕喝一篇。及太陽婦人中風三法。乃金匱正文重出。本論者。今革除之。一本論三百九十七法。一百一十三方。議論紛紜。言人人殊。不知條法固可私意分合。方目焉能妄行增減。今以六經一百一十三方。訂定六經三百九十七法。則霍亂陰陽易篇。為金匱錯簡。已毫無疑義矣。

一原文証象陽旦一節。似類後賢註釋。上文故設問答。以明經義者。及病有太陽陽明一節。似屬後人附會之辭。例應一併刪之。

一本論訛字亦不為多。註家每遇不能解處。即指為王叔和所變亂。割章分句。任意刪改。以曲逞其說。不知文法自成一家。訛字亦無幾許。皆由自用。心重。竟不自知其非者。

一成無已信。而好古註釋。本論毫不假借。舒馳遠私。意自用攻訐。原文義多獨裁。考槃細審二家。執辭成氏固有未善之處。舒註不無可議之地。學者當以隱庵韻伯等註合參。則經義自然融貫。

一是書搜採前賢註釋。輯成百註。自愧才疎學淺。刪訂尚有未善。惟望海內高明匡余不逮為幸。

張仲景傷寒論百大名家合註姓名錄

以註解始見先後為叙

王叔和 編次原文 第一人

醫宗金鑑

成無已

方中行 條辨

張隱庵

張路玉

程郊倩

吳人駒

柯韻伯 本草集

徐靈胎

陳脩園

唐容川

以上土家註俱見原文第一法

汪琥

薛步雲

章虛谷

俱見第二法

喻嘉言

尚論篇

尤在涇

俱見第一法 三法中實珠

沈明宗

見第四法

郭白雲

周禹載

沈堯封

葉天士

俱見第一法

鄧雲航

見第八法

魏荔彤

閔芝慶

俱見第十法

朱奉議

鄭重光

俱見第三法

孫思邈

錢天來

程知

陶宏景

汪詡菴

陳蔚

俱見桂枝湯方

楊玉衡

見十六法

張令韶

見十八法

戴元禮

見二法

陳元犀

見桂枝湯附子湯加

王肯堂

見二十六法

馬元臺

見二十七法

王外臺

見三法

王好古

見芍藥甘草湯

張元素

費晉卿

見葛根湯

李時珍

吳綬

汪石山

俱見麻黃湯

許叔微

吳鞠通

俱見大青龍湯

舒馳遠

見五法

張錫駒

見五法

程林

俱見苓桂湯

張飛疇

見五法

周宗超

見三法

陳冀子

見當湯

李士材

見附子

陳賓有

俱見一湯

常器之

見八法

婁全善

見三法

袁百川

見二法

嚴大智

見九法

胡伯雄

見湯

黃坤載

見五法

胡章及

見七法

周鏡園

見一法

王三陽

見百法

陳平伯

見百法

朱丹溪

見十法

俞麟州

見桂枝

沈丹彩

見參湯

黃恭照

見十一法

趙羽皇

見猪

汪小山

見二法

沈才能

見真武

何鶴林

見三法

林瀾

見五法

張子培

見六法

張兼善

見七法

王晉三

見小柴

張蓋仙

見百法

陳師亮

見一法

羅東逸

俱見旋覆

陳道著

見一法

沈子卿

見二法

趙以德

見二法

周易圖

見黃連

陶志仁

見通脈

張心在

見乾薑

李東垣

見五法

汪蓮石

見四法

高士宗

見九法

李鱣文

見百法

徐忠可

見桂枝

杜兆

見十法

蕭克協

見湯

陳江岷

見二法

張憲公

見小承

唐不岩

見二法

羅天益

見少陰

陸士達

見四逆

吳考槃

見重定

原文

註

文

註

文

註

文

註

文

註

文

註

文

百大名家合註傷寒論目錄

卷一

辨太陽病脈證併治法一

卷二

辨太陽病脈證併治法二

卷三

辨太陽病脈證併治法三

卷四

辨太陽病脈證併治法四

卷五上

辨太陽病脈證併治法五

卷五中

辨太陽病脈證併治法六

卷五下

辨太陽病脈證併治法七

卷六

辨太陽病脈證併治法八

卷七

辨太陽病脈證併治法九

卷八上

辨太陽病脈證併治法十

卷八下

卷九

辨太陽病脈證併治法十一

辨太陽病脈證併治法十二

卷十

卷十一

辨陽明病脈證併治法上

辨陽明病脈證併治法中

卷十二

卷十三

辨陽明病脈證併治法下

辨少陽病脈證併治法全

卷十四

卷十五上

辨太陰病脈證併治法全

辨少陰病脈證併治法上

卷十五下

卷十六上

辨少陰病脈證併治法下

辨厥陰病脈證併治法上

卷十六下

辨厥陰病脈證併治法下

漢張仲景先師傷寒論原文卷一

後學吳者樂編次

一太陽之為病。脈浮。頭項強痛。而惡寒。

二太陽病。發熱。汗出。惡風。脈緩者。名為中風。

三太陽病。或已發熱。或未發熱。必惡寒。體痛。嘔逆。脈陰陽俱緊者。名為傷寒。

四傷寒一日。太陽受之。脈若靜者。為不傳。煩欲吐。若燥煩。脈數急者。為傳也。

五傷寒二三日。陽明少陽證不見者。為不傳也。

六太陽病。發熱而渴。不惡寒者。為溫病。

七若發汗。已身灼熱者。名曰風溫。

八風溫為病。脈陰陽俱浮。自汗出。身重多眠。睡息必鼾。語言難出。若被下者。小便不利。直視失

溲。若被火者。微發黃色。劇則如驚癇。時瘳瘳。若大重之一逆尚引日。再逆促命期。

九病有發熱惡寒者。發於陽也。無熱惡寒者。發於陰也。發於陽者。七日愈。發於陰者。六日愈。以

陽數七。陰數六故也。

十太陽病。頭痛至七日以上自愈者。以行其經盡故也。若欲作再經者。鍼足陽明。使經不傳則

愈。

十一太陽病。欲解時。自巳至未上。

十二風家表解而不了了者。十二日愈。

11
十三病人身大熱反欲得近衣者熱在皮膚寒在骨髓也

十四身大寒反不欲近衣者寒在皮膚熱在骨髓也

12
十五太陽中風陽浮而陰弱陽浮者熱自發陰弱者汗自出當發惡寒淅淅惡風翕翕發熱鼻鳴

乾嘔者桂枝湯一主之

13
十六太陽病頭痛發熱汗出惡風者桂枝湯主之

14
十七太陽病項背強几几反汗出惡風者桂枝加葛根湯主之

15
十八太陽病下之後其氣上衝者可與桂枝湯若不上衝者不可與之

16
十九太陽病三日已發汗若吐若下若溫鍼仍不解者此為壞病桂枝不中與也觀其脈證知犯

何逆隨證治之

17
二十桂枝本為解肌若其人脈浮緊發熱汗不出者不可與之當須識此勿令誤也

20 09 18
二十一若酒客病不可與桂枝湯得湯則嘔以酒客不喜甘故也

二十二喘家作桂枝湯加厚朴杏子佳

二十三凡服桂枝湯吐者其後必吐膿血也

張仲景傷寒論合註卷一

海門吳隱亭考槃編輯

辨太陽病脈證併治法一

太陽之為病脈浮頭項強痛而惡寒

惡去聲後做此

○醫宗金鑑曰太陽膀胱經也太陽之風病謂太陽膀胱經之所為病也太陽主表表統營衛風邪中衛寒邪傷營均表病也脈浮表病脈也頭項強痛惡寒表病證也太陽經脈上額交巔入絡腦還出別下項連風府故邪客其經必令頭項強痛也惡寒者因風寒所傷故惡之也首揭此條為太陽之提綱凡稱太陽病者皆指此脈證而言也

○成無己曰經曰尺寸俱浮者太陽受病太陽主表為諸陽主氣脈浮頭項強痛而惡寒者太陽表病也

○方中行曰太陽者膀胱經也其脈起於目內眦上額交巔從巔入絡腦還出別下項連風府循肩膊內挾脊抵腰中乃六經之首主皮膚而統營衛所以為受病之始也難經曰浮脈在肉上行也滑氏曰脈在肉上行主表也表即皮膚營衛麗焉故脈見尺寸俱浮知為病在太陽之診也項頸後也強痛者皮膚營衛一有感受經絡隨感而應邪正爭擾也惡寒者該風而言也風寒初襲表而鬱於表故不勝復被風寒外迂而畏惡之及其過表而入裏則不復惡仇讐之義也此揭太陽之總病乃通篇之大綱也